

Santa Rosa cu proyecto di instalacion di molina di biento na Calabas



ORANJESTAD - Riba dia 31 di december e Departamento di Agricultura, Cria y Pesca Santa Rosa a duna inicio na e proyecto di reconstruccion y instalacion di molina di biento na e pos di Calbas, asina cerando aña 2013 cu un obsekio valioso na e agricultor y criadonan di noord y vecindario.

Durante henter aña 2013 Santa Rosa a completa diferente proyectonan na vigor di e agricultor y criadonan di nos isla, cu e meta principal pa brinda sosten durante e temporada di segura cu nos isla a pasa aden y cual ta wordo premira di lo continua durante aña 2014.

“Santa Rosa ta sumamente contento cu trabounan di instalacion di molina di biento na Calabas a cuminsa, algo cu tabata forma parti di nos metanan pa aña 2013. Pa hopi tempo nan a tuma nota di e cantidad grandi di cunukeronan cu tin den e area di Noord y den e forma aki Santa Rosa kier aporta y brinda sosten den nan ofishii cual ta asina valioso pa nos pais” directora di Santa Rosa, sra. Nathalie Maduro a expresa. Durante e instalacion di e molina di biento por a tuma nota di diferente agricultor, criado como tambe bisiñanan kende ansiosamente tabata mira con trahadonan di Santa Rosa cu amor tabata instala e molina, cual lo brinda e agricultor y criado awa dushi pa muha

nan plantacion y cria bestia.

Tabata sumamente impresionante pa wak e beyesa di e molina di biento aki cual ta representa un sosten valioso pa e cunukeronan di nos isla.

Trabounan riba e molina di biento na Calabas lo finalisa durante e prome luna di aña 2014 asina sigurando awa dushi pa e cunukeronan di Noord.

Pa aña 2014 Departamento di Agricultura, Cria y Pesca lo sigui traha riba proyectonan na vigor di e agricultura, cria y pesca di nos pais asina sigurando un produccion di stabiel di productonan local pa pueblo di Aruba. Ban sostene nos cultura, practica cria, pesca y agricultura. □